

## U G O V O R

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, Širokac 22, Sarajevo, koga zastupa direktor Nurudin Džiho,dipl.pravnik ( u daljem tekstu: Ugovorni organ )**  
i
2. **Društvo za proizvodnju, zastupanje, marketing i usluge „ EURO VEZ “, Rosulje b.b. Jelah, Tešanj, koga zastupa direktor Ljevaković Mirsad ( u daljem tekstu: Dobavljač )**

### Član 1.

Predmet ovog Ugovora je nabavka i isporuka 83 /osamdesettri/ komada zastava za groblja šehida i poginulih boraca na području Kantona Sarajevo i to:

- zastave BiH,
- zastave Armije RBiH,
- zastave RBiH (sa ljiljanima),

Zastave će se isporučivati po jediničnim cijenama Dobavljača prema Ponudi broj: 0015-02/17 od 14.02.2017.godine, koja je sastavni dio ovoga Ugovora.

### Član 2.

Ugovorne strane su saglasne da će se zastave isporučivati sukcesivno tokom 2017.godine, u skladu sa potrebama Ugovornog organa.

### Član 3.

Ukupna vrijednost po prodajnim cijenama iznosi	10.358,40 KM
PDV17% u iznosu od	1.760,93 KM

**Ugovorne strane su saglasne da ukupna vrijednost ugovora sa uključenim PDV- om 17 % iznosi**

**12.119,33 KM**

**(slovima:dvanaesthiljadastotinudevetnaest i 33 /100KM)**

### Član 4.

Ugovorni organ će Dobavljaču plaćati isporučenu količinu u roku od 15 /petnaest/ dana od dana dostavljanja ovjerene fakture u Fond memorijala.

### Član 5.

Ugovorne strane su saglasne da:

- se zastave rade od poliestra, težine min.220gr/m<sup>2</sup>;
- zastave dimenzija 300x100 (85) cm imaju vezivanje na L sa ojačanjima rubova sa svih strana, a posebno na stranama kačenja, gdje se postavljaju metalne (aluminijске) nitne, ne većem od 38 cm, s tim da nitne postoje na vrhu i dnu strane zastave predviđene za kačenje. Prečnik nitni je 10-12 mm;
- će se zastave za koplja raditi sa otvorom za koplja cca 6 cm;

- će se aplikacije prišivati na osnovni materijal /bez štampanja/ sa obje strane. Prilikom prišivanja aplikacija na osnovni materijal ne smije doći do nabiranja materijala u suprotnom svaka takva zastava biće vraćena o trošku Dobavljača, a isti će snositi i troškove kašnjenja u skladu sa članom 6. stav 3. ovog ugovora.

#### Član 6.

Ugovorne strane su saglasne da će Dobavljač izvršiti isporuku naručenih zastava u roku od 7 /sedam/ dana od zaprimanja pismenog zahtjeva ili narudžbe Ugovornog organa.

Isporuka zastava će se vršiti u Fondu memorijala, na adresi Širokac 22, Kovači - Sarajevo.

Ukoliko isporučene zastave ne budu odgovarale kriterijima Ugovornog organa cijela isporuka biće vraćena o trošku Dobavljača, a isti će snositi i nadoknadu troškova kašnjenja.

Ukoliko Dobavljač ne izvrši isporuku zastava koje su u skladu sa kriterijima Ugovornog organa, u roku od 5 /pet/ dana, Ugovorni organ zadržava pravo da raskine ugovor sa istim.

#### Član 7.

U slučaju kašnjenja u isporuci naručenih zastava, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1 % naručenih zastava, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupne ugovorene vrijednosti zastava.

Dobavljač je dužan ugovornu kaznu platiti u roku od 7 /sedam/ dana od dana prijema zahtjeva za plaćanje od strane Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati, niti ih predvidjeti.

#### Član 8.

Sve eventualne sporove ugovorne strane će rješavati dogovorno, u suprotnom mjesno i stvarno nadležan je sud u Sarajevu.

#### Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA UGOVORNI ORGAN

DIREKTOR

Nurudin Džihović, dipl. pravnik

Broj:13-14-02-41/17

Sarajevo, 06.03.2017.godine



ZA DOBAVLJAČA

DIREKTOR

Ljevaković Mirsad

*Mirsad Ljevaković*

Broj:  
Sarajevo,

11.03.2017  
06.03.2017

